

AKTI OPĆINSKOG VIJEĆA**216.**

Na osnovu člana 7. stav 2. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 13. Zakona o principima lokalne samouprave u FBiH („Službene novine FBiH“, broj: 49/06, 51/09), člana 18. Statuta Općine Maglaj ("Službene novine Općine Maglaj", broj: 8/07, 3/08 i 6/08), Općinsko vijeće Maglaj na 13.redovnoj sjednici održanoj dana 28.02.2022.godine donosi

**ODLUKU O IZMJENI ODLUKE
o izvršavanju Budžeta/Proračuna Općine Maglaj
za 2022. godinu**

Član 1.

**Član 27. mijenja se i glasi
(Naknade troškova uposlenih)**

Sredstva s pozicije „Naknade troškova zaposlenih“ koristiti će se u skladu sa zakonima, kolektivnim ugovorom, podzakonskim i internim aktima Općine, u skladu sa finansijskim mogućnostima u Budžetu/Proračunu Općine Maglaj.

Sredstva s pozicije "Naknade troškova zaposlenih" koristiti će se u skladu sa Zakonom o plaćama i naknadama u organima vlasti Federacije Bosne i Hercegovine ("Službene novine Federacije BiH", broj: 45/10, 111/12 i 20/17), Sporazumom o produženju primjene Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj: 05/22) i Odluke o utvrđivanju platnih razreda i koeficijenata za plaće, dodataka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj, ("Službene novine Općine Maglaj", broj 01/15) kao i ostalim podzakonskim i internim aktima Općine, a u skladu sa finansijskim mogućnostima u Budžetu/Proračunu Općine Maglaj.

Član 2.

**Član 32. mijenja se i glasi
(Transferi pojedincima)**

Sredstva utvrđena u razdjelu 11, Glava 111. „Transferi pojedincima“, odobravat će Rukovodilac Službe za boračko-invalidsku, socijalnu zaštitu opću upravu i društvene djelatnosti, prema kriterijima koje donosi Načelnik općine.

Član 3.

**Član 34. mijenja se i glasi
(Transferi neprofitnim organizacijama)**

Sredstva utvrđena u Razdjelu 11, Glava 111. „Transferi neprofitnim organizacijama“ odobravat će Rukovodilac Službe za boračko-invalidsku, socijalnu zaštitu opću upravu i društvene djelatnosti, prema kriterijima koje donosi Načelnik općine.

Član 4.

**Član 35. mijenja se i glasi
(Tekući transferi MZ)**

Sredstva utvrđena u Razdjelu 11, Glava 111. "Tekući transferi MZ" odobravat će Rukovodilac Službe za boračko-invalidsku, socijalnu zaštitu opću upravu i društvene djelatnosti prema Kriterijima o načinu raspodjele planiranih sredstava za redovan rad mjesnih zajednica koje donosi Načelnik općine. Ostali transferi MZ koristit će se prema Odlukama Načelnika općine.

Član 5.

**Član 46. mijenja se i glasi
(Neplanirani transferi i donacije)**

Transferi i donacije koje nisu planirani u Budžetu/Proračunu, a ostvare se u toku godine, namjenski će se usmjeravati u skladu sa Odlukom Načelnika općine.

Izuzetno od stava 1. ovog člana transferi pojedincima i neprofitnim organizacijama koji nisu planirani u Budžetu/Proračunu, a ostvare se u toku budžetske godine odobrava Rukovodilac Službe za boračko-invalidsku zaštitu, opću upravu i društvene djelatnosti.

Služba za privredu finansije i razvoj poduzetništva će na osnovu pismenog dokaza o uplaćenom transferu ili donaciji i drugoj odgovarajućoj dokumentaciji budžetskog korisnika izvršiti povećanje kako na prihodovnoj, tako i na rashodovnoj strani na odgovarajućoj poziciji.

Član 6.

(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Općine Maglaj“, a primjenjuje se za 2022. godinu.

Broj:02-04-1-348/22

Maglaj, 28.02.2022.godine

**PREDSJEDAVALA
Svjetlana Zamboni s.r.**